

UNIVERSITY OF SARAJEVO
FACULTY OF SCIENCE

Broj: 01/01-1955/4-2020
Sarajevo, 09.10.2020. godine

Zmaja od Bosne 33-35
Sarajevo
Bosnia and Herzegovina
Phone ++387 (0)33 723723
Fax ++387 (0)33 649359

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 01/01-341/4-2020 od 29.07.2020. godine, u postupku nabavke roba **LABORATORIJSKA OPREMA za LOT 5 – Kompresor**, Dekan Prirodno-matematičkog fakulteta Univerziteta u Sarajevu je donio

ODLUKU

o izboru najpovoljnijeg ponuđača
po otvorenom postupku za dostavu ponuda

Član 1.

Prihvata se Preporuka Komisije za javnu nabavku broj: 01/01-1955/3-2020 od 05.10.2020. godine i ugovor za nabavku roba **LABORATORIJSKA OPREMA za LOT 5 – Kompresor**, dodjeljuje se ponuđaču **EURO LAB d.o.o. Bijeljina** čija ukupna cijena ponude iznosi **2.525,00 KM bez PDV-a**, kao najbolje ocijenjenom ponuđaču.

Član 2.

Izabrani ponuđač dužan je u roku od **5 (pet) dana** od dana zaprimanja ove Odluke, na adresu Prirodno-matematičkog fakulteta Univerziteta u Sarajevu, Zmaja od Bosne 33-35, 71000 Sarajevo dostaviti originale ili ovjerene kopije dokaza traženih tačkom 2.1. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 01/01-341/3-2020 od 29.07.2020. godine, Prirodno-matematički fakultet Univerziteta u Sarajevu je pokrenuo otvoreni postupak za dostavljanje ponuda za javnu nabavku roba: **LABORATORIJSKA OPREMA za LOT 5 –Kompresor**

Za provođenje postupka predmetne javne nabavke, Odlukom broj: 01/01-341/3-2020 od 29.07.2020. godine, imenovana je Komisija za provođenje postupka javne nabavke.

Obavještenje o nabavci broj: 654-1-1-184-3-9/20 objavljeno je na Portalu javnih nabavki dana 01.09.2020. godine, a u Službenom glasniku BiH br: 55 dana 04.09.2020. godine.

Iz *Izveštaja o preuzimanju tenderske dokumentacije* od strane ponuđača, vidljivo je da su u periodu koji je ostavljen za dostavljanje ponuda do 22.09.2020. godine, tendersku dokumentaciju preuzeli slijedeći potencijalni ponuđači: MEDIA D.O.O., BBS EUROPE, INSTRUMENTS, SHIMADZU D.O.O., APICAL DOO, EMGEN DOO, EKAPIJA DOO, ANALITIKA D.O.O. SARAJEVO, BIOSISTEMI D.O.O. SARAJEVO, ANTON PAAR CROATIA D.O.O., ELTA 90 MB D.O.O., EMEDING D.O.O., PARTING D.O.O. ŠIROKI BRIJEG, KEFO D.O.O. ISTOČNO SARAJEVO, MPS LAB D.O.O., DOO EUROLAB, ALPHACHROM D.O.O., TUZLA-FARM D.O.O. TUZLA, LAB UNICA D.O.O., HELIA, KRUG INTERNATIONAL LTD.MALTA, OGRANAK KRUG BEOGRAD, AB MEDIC D.O.O., KRAJINAGROUP D.O.O. BANJA LUKA, MANECO D.O.O., DIJAL-M, SINEKS LABORATORIJA BANJA LUKA, NEXIS D.O.O. SARAJEVO, SONO MEDICAL D.O.O., MIKRO+POLO D.O.O., KAESER KOMPRESSOREN D.O.O. i ENERGOINVEST SUE D.D.SARAJEVO.

Iz *Izveštaja o pitanjima i odgovorima* u periodu koji je ostavljen za dostavljanje ponuda, vidljivo je da je ponuđač EURO LAB d.o.o. postavio pitanje da li može ponuditi kompresor koji ima izlazni pritisak 8 bara, na što mu je ugovorni organ odgovorio da će prihvatiti kompresor koji ima izlazni pritisak 8 bara, ukoliko se izlazni pritisak može podešavati s obzirom da se isti priključuje na instrument. Također, Ponuđač KAESER KOMPRESSOREN d.o.o. je postavio pitanje koliki je minimalno potreban kapacitet kompresora i koja je zahtjevana kvaliteta komprimiranog zraka prema ISO 8573-1. Ugovorni organ je odgovorio da protok zraka u instrumentu treba da bude 13,5 L/min, a kvaliteta komprimiranog zraka prema ISO 8573-1 treba da je 2. klase.

Iz *Zapisnika o otvaranju ponuda* vidljivo je da je Komisija za javne nabavke dana 22.09.2020. godine sa početkom u 11:10 sati, po redoslijedu zaprimanja izvršila javno otvaranje blagovremeno prispjelih ponuda slijedećih ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	EURO LAB D.O.O. Bijeljina	Da	01/01-1955/1-2020	22.09.2020.g. u 08:30 sati

Na javnom otvaranju ponuda nisu bili prisutni predstavnici ponuđača.

Zapisnik o otvaranju ponuda je 23.09.2020. godine prosljeđen putem pošte ponuđaču koji je blagovremeno dostavio ponudu.

Komisija za javnu nabavku je u Zapisniku o otvaranju ponuda sačinila pregled zaprimljene ponude:

Redni br. na rang listi	Naziv i sjedište ponuđača	Ponuđen i popust	Ukupna cijena ponude
1.	<i>EURO LAB d.o.o. Bijeljina Filipa Višnjića 22 76300 Bijeljina</i>	0,00 KM	Cijena ponude bez PDV-a 2.525,00 KM 0% popust <i>Ukupna cijena ponude sa uračunatim popustom bez PDV-a =2.525,00 KM</i> PDV na cijenu ponude= 429,25 KM Ukupna cijena za ugovor 2.954,25 KM sa PDV-om

Komisija za javne nabavke sastala se 24. 09. 2020. godine sa početkom u 10:30 sati, radi pregleda i ocjene ponude, odnosno da bi utvrdila da li ponuđač ispunjava uslove za kvalifikaciju, a koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije.

Komisija za javne nabavke je utvrdila da ponuda *ponuđača EURO LAB d.o.o. Bijeljina ispunjava sve uslove za kvalifikaciju tražene Tenderskom dokumentacijom, te je u skladu sa naprijed navedenim ponudu ponuđača EURO LAB d.o.o. Bijeljina ocjenila kao prihvatljivu.*

Ugovorni organ tenderskom dokumentacijom tačkom 15. je predvidio da će u svrhu poređenja ponuda primjenjivati preferencijalni tretman domaćeg u skladu sa Odlukom Vijeća ministara o obaveznom korištenju preferencijalnog tretmana domaćeg, donesene 01.06.2020. godine.

Komisija za javne nabavke je konstatovala da je ponuđač u svojoj ponudi u *Aneksu 2. Obrazac za ponudu*, pod tačkom 4. zaokružio da ponuda ne ispunjava uslove za primjenu preferencijalnog tretmana domaćeg, *te u skladu s tim Komisija za javne nabavke je ocjenila da se na ponudu ponuđača APICAL d.o.o. Sarajevo ne primjenjuje preferencijalni tretman domaćeg.*

Iz Zapisnika o pregledu i ocjeni ponuda je vidljivo da u ponudi ponuđača nije bilo računskih grešaka.

Iz Zapisnika o pregledu i ocjeni ponuda je vidljivo da je za predmetnu nabavku, kao što je i navedeno u Tenderskoj dokumentaciji i Obavještenju o nabavci broj: 654-1-1-184-3-9/20 od 01.09.2020. godine predviđeno provođenje E-aukcije za kvalifikovane ponuđače, a s obzirom da je pristigla samo jedna prihvatljiva ponuda, E-aukcija se nije mogla zakazati u skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj: 66/16), nego se postupak okončava u skladu sa članom 69. Zakona.

Shodno navedenom, Komisija za javne nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Prirodno-matematičkog fakulteta Univerziteta u Sarajevu da se u predmetu nabavke roba: LABORATORIJSKA OPREMA za LOT 5-Kompresor donese Odluka o dodjeli ugovora ponuđaču EURO LAB d.o.o. Bijeljina, čija cijena ponude iznosi 2.525,00 KM bez PDV-a.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.



Prilog:

- Zapisnik o pregledu i ocjeni ponuda

Dostaviti:

- Ponuđaču: EURO LAB d.o.o. Bijeljina
- Dosije nabavki
- a/a